



Planuar / Dërguar Punigjen/Prodato Received/Delivered	21.03.2022	2	viti god year
Organ /Njësia Organ /Jednica Org /Unit	Nr Prot Br Prot Prot No	Shtesa Prilog Appendix	Sasia Kolicina Quantity
SKAMBEX	1448/2022		1/5



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.112/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Malsore Gashi-Bajraktari-kryetare, Jeton Koca dhe Eshref Shabani-anëtar si dhe Valentina Kaçandolli Bekteshi-Zyrtare e lartë për bashkëpunim profesional në cilësinë e procesmbajtëses, kanë shqyrtuar ankesën A.nr.112/2022 të datës 10.02.2022 të parashtruar nga ankuesi me adresë

Komuna e Skenderaj, kundër vlerësimit të rezultateve në punë për vitin 2020, respektivisht kundër organit të punësimit/Agjencia Kosovare e Privatizimit, në çështjen juridike "vlerësim i rezultateve të punës", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 21.03.2022, mori këtë:

V E N D I M

- I. **ANULOHE**T Vlerësimi i rezultateve në punë për vitin 2021 i datës 27.01.2022 për ankuesin
- II. **OBLIGO**HET Udhëheqësi i drejtpërdrejtë i ankuesit respektivisht Kryesuesi i Njesisë për Përgatitjen e Shitjes, Shqyrtimit Ligjor dhe Tenderimit i Agjencisë Kosovare të Privatizimit që të bëjë zbatimin e këtij vendimi brenda afatit prej pesëmbëdhjetë (15) ditësh nga dita e pranimit të këtij vendimi, duke bërë rivlerësimin e rezultateve të punës për ankuesen për periudhën nga data 01.01.2021 deri me datën 31.12.2021 në pajtim me legjislacionin në fuqi.
- III **OBLIGO**HET Drejtori i Përgjithshëm, që ti ndërmarrë veprimet që zbatimi i këtij vendimi të bëhet si në pikën II të këtij vendimi.
- IV. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ankuesi i punësuar në Agjencinë Kosovare të Privatizimit, sipas Akt emërimit të datës 27.05.2019, në pozitën “Zyrtar Ligjor për Shqyrtimin e Dokumente të Shitjes” të cilit me datë 27.01.2022 Udhëheqësi i drejtpërdrejtë i ankuesit respektivisht Kryesuesi i Njesisë për Përgatitjen e Shitjes, Shqyrtimit Ligjor dhe Tenderimit të Agjencisë Kosovare të Privatizimit, ia ka bërë vlerësimin e rezultateve në punë për vitin 2021 me të cilin ankuesin e vlerëson me notën e përgjithshme jo kënaqshëm ose jo mjaftueshëm 1.12.

Ankuesi, kundër vlerësimit të rezultateve të punë për vitin 2021, ka shprehur mos pajtimin lidhur me vlerësimin e rezultateve punës që i është bërë dhe ka kërkuar nga Udhëheqësi i tij respektivisht Kryesuesi i Njesisë për Përgatitjen e Shitjes, Shqyrtimit Ligjor dhe Tenderimit që të bëjë rishqyrtimin e performancës për vitin 2021 dhe kërkon nga Udhëheqësi që të ketë takim.

Departamenti i Burimeve Njerëzore me datë 28.02.2022 përmes e-mail-it zyrtarë është vënë në dijeni për mos pranim të vlerësimit të performancës nga ana e zyrtarit me ç`rast nga mbikëqyrësi i drejtpërdrejtë ka kërkuar rivlerësim të performancës dhe se Departamenti i Burimeve Njerëzore ka bërë përpjekje që t`i ftojë të dy palët në takim me datë 04.02.2022 lidhur me komunikimin dhe mos pajtimin për vlerësim të performancës ndërsa në takim ka qenë vetëm mbikëqyrësi i ankuesit e ankuesi nuk ka qenë në takim pasi që nuk e ka marrë njoftimin me kohë.

Këshilli i Pavarur Mbikëqyrës për Shërbimin Civil të Kosovës komfor dispozitave ligjore në fuqi me datën 16.02.2022 ankesën e ankuesit e ka proceduar për përgjigje në ankesë tek Agjencia Kosovare e Privatizimit, ndërsa me datën 01.03.2022, Këshilli ka pranuar përgjigjen në ankesë nga Agjencia Kosovare e Privatizimit me shkresat e bashkëngjitura të lëndës faqe 1/19.

Kolegji për shqyrtimin dhe vendosjen e ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën e ankuesit të datës 10.02.2022 të parashtruar në Këshillin e Pavarur Mbikëqyrës për Shërbimin Civil të Kosovës; Formulari për vlerësimin e rezultateve në punë të nëpunësve civil dhe nëpunësve të shërbimeve publike për kategorinë drejtuese i mesëm, i ulët dhe profesional (për periudhën Janar - Dhjetor 2021); E-mail i datës 03.02.2022, 02.02.2022, 31.01.2022, 28.01.2022, 04.02.2022; Akt Emërimi i ankuesit; Përshkrimi i punës si dhe përgjigja në ankesë nga organi i punësimit me shkresat e bashkëngjitura të lëndës.

Kolegji për shqyrtimin dhe vendosjen e ankesave, për vendosjen e kësaj çështje pasi ka shqyrtuar të gjitha shkresat e lëndës të bashkëngjitura si nga ankuesi ashtu edhe nga organi i punësimit ka vërtetuar se ekziston baza ligjore për të vendosur, që lënda e ankuesit të kthehet në rivlerësim, sepse:

Kolegji për shqyrtimin dhe vendosjen e ankesave ka shqyrtuar pretendimet ankimore të ankuesit i cili pretendon se vlerësimi i rezultateve të punës për vitin 2021, nuk është objektiv dhe i pabazuar në prova dhe fakte, gjegjësisht vlerësimi i është bërë në kundërshtim me ligjin dhe aktet nënligjore, i cili ka shtuar se vlerësimi i rezultateve në punë për vitin 2021 i është bërë pa pasur asnjë takim paraprak me mbikëqyrësin e tij të drejtpërdrejtë.

Kolegji për shqyrtimin dhe vendosjen e ankesave, pas shqyrtimit të pretendimit ankimor të ankuesit lidhur me vlerësimin e rezultateve në punë për vitin 2021 pa pasur asnjë takim paraprak nga mbikëqyrësi i tij i drejtpërdrejtë, konkretisht pas analizimit dhe shqyrtimit të provave të lëndës, ka konstatuar se është i qëndrueshëm sepse mbikëqyrësi i drejtpërdrejtë i ankuesit me rastin e nënshkrimit të vlerësimit të rezultateve të punës për vitin 2021, ka vepruar në kundërshtim me nenin 8 paragrafin 1 nën paragrafin 1.1 dhe 1.2 të Rregullores Nr. 21/2020 për Procedurën e Vlerësimit të Rezultateve në punë të Nëpunësve Civil dhe Nëpunësve të Shërbimeve Publikë, i cili përcakton se: *"Vlerësimi përfundimtar i realizimit të objektivave dhe i aftësive profesional të nëpunësit bëhet në fund të periudhës vlerësuese në bazë të një procesi, që përfshin: 1.1 takimi për diskutimin e realizimit të objektivave dhe rezultateve të arritura; 1.vlerësimin (notimi) e objektivave"*, sepse vlerësimi i është dërguar ankuesit në kundërshtim me paragrafin 4 të nenit 8 i kësaj Rregullore, ku përcaktohet se: *"Formulari i vlerësimit siç përcaktohet në paragrafin 3 të këtij neni i dërgohet nëpunësit, i cili diskutohet në një takim me mbikëqyrësin dhe në afat prej 5 dite kalendarike nëpunësi duhet të shprehet (pajtohet ose nuk pajtohet) me vlerësimin e mbikëqyrësit"*, që në rastin konkret organi i punësimit nuk ka dëshmuar me asnjë provë se ankuesi është kontaktuar nga Mbikëqyrësi i drejtpërdrejtë, për të diskutuar lidhur me periudhën e vlerësimit, dhe mbi këtë bazë ankuesi pasi ka pranuar vlerësimin, me datë 28.01.2022 ka paraqit me shkrim mospajtimin e tij, brenda afatit prej 5 ditëve, në pajtim me dispozitën e lartë cekur, dhe po ashtu në provat e lëndës nuk ka asnjë dëshmi që mbikëqyrësi është takuar me ankuesin gjatë periudhës vlerësuese për të rishikuar progresin e bërë siç parashihet me nenin 43 paragrafin 6 të Ligjit Nr. 06/L-114 për Zyrtarët Publikë dhe nenin 7 të Rregullores Nr. 21/2020 për Procedurën e Vlerësimit të Rezultateve në punë të Nëpunësve Civil dhe Nëpunësve të Shërbimeve Publike ndërsa me datë 31.01.2022 Udhëheqësi i kthen përgjigje ankuesit dhe e njofton se vlerësimi i performancës nuk ndryshon nga ato të bëra në fillim.

Kolegji për shqyrtimin dhe vendosjen e ankesave, po ashtu pasi ka shqyrtuar provat e lëndës të ankuesit dhe organit të punësimit lidhur me mospajtimin e kryerjes së detyrave të punës për vitin 2021 siç ka komentuar mbikëqyrësi i drejtpërdrejtë i ankuesit në formularin e vlerësimit të rezultateve në punë për vitin 2021, është vërtetuar se në përgjigjen e datës 01.03.2022 të Agjencisë Kosovare të Privatizimit dërguar Këshillit me nr. protokolli 1105/2022, nuk është dëshmuar se është i hartuar plani i punës 2021 sipas përshkrimit të detyrave të punës.

Kolegji po ashtu konstaton se plani vjetor i punës për vitin 2021, është hartuar në kundërshtim me nenin 6 paragrafin 4 të Rregullores Nr. 21/2020 për Procedurën e Vlerësimit të Rezultateve në punë të Nëpunësve Civil dhe Nëpunësve të Shërbimeve Publike, ku theksohet se: *"Përcaktimi i objektivave, bazohet në objektivat e institucionit dhe në përshkrimin përkatës të punës së nëpunësit"*, sepse plani i punës duhet të hartohet gjithmonë me pajtim me udhëheqësin e drejtpërdrejtë dhe nëpunësin, duke marrë për bazë përshkrimin e detyrave të punës së ankuesit dhe nga ajo pjesë të caktohen objektivat përkatëse për realizimin e veprimtarive, siç ceket edhe në nenin 6 paragrafin 1 të Rregullores Nr. 21/2020 për Procedurën e Vlerësimit të Rezultateve në punë të Nëpunësve Civil dhe Nëpunësve të Shërbimeve Publike, ku theksohet se: *"Brenda muajit janar të vitit për të cilin bëhet vlerësimi i rezultateve në punë apo brenda tre (3) muajve të parë të emërimit të nëpunësit, mbikëqyrësi (vlerësuesi) së bashku me nëpunësin (i vlerësuarit) përcaktojnë dhe pajtohen me objektivat dhe me planin e aktiviteteve për arritjen e objektivave të përcaktuara për vitin për të cilin vlerësohet"*.

Po ashtu ankuesi ka kontestuar se vlerësimi i rezultateve të punës nga mbikëqyrësi i drejtpërdrejtë nuk është real, është tendencioz dhe i pabazuar në prova dhe fakte sepse mos përfshirja e arritjes së objektivave për ankuesin në bazë të detyrave të punës nuk është për fajin e tij por Qeveria e Republikës së Kosovës me Vendimin me Nr.02/15 të datës 23.03.2020 dhe të Vendimit me Nr.07/09 të datës 01.07.2020 ka pezulluar të gjitha valët e shitjes, ku në bazë të provave edhe vlerësuesi ka komentuar se objektivat për vitin 2021 nuk kanë mund të realizohen për shkak situatës me COVID-19 dhe Vendimeve të Qeverisë, e që është në kundërshtim me nenin 43 paragrafin 1, 2, 3, 4, 5, 6 dhe 7 të Ligjit Nr.06/L-114 për Zyrtar Publik, si dhe duke u bazuar në përmbajtjen e vlerësimit të rezultateve në punë në kundërshtim me nenin 4 paragrafin 1, nën paragrafin 1.1, 1.2 pika 1.2.1 deri në 1.2.6 të Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe nëpunësve të Shërbimeve Publike, ku përcakton se:” **h1. Vlerësimi i rezultateve në punë përmban: 1.1. matjen e realizimit të objektivave të përcaktuara - objektivat janë prioritetet e punës së nëpunësit dhe përfshijnë aktivitetet që duhen realizuar deri në fund të periudhës së vlerësuar; dhe 1.2. matjen e sjelljes profesionale të nëpunësit - sjelljet profesionale janë aftësitë profesionale të nëpunësit të treguara gjatë realizimit të detyrave dhe ushtrimit të përgjegjësi në punë, që përfshinë: 1.2.1. planifikimin dhe organizimin; 1.2.2. vendimmarrjen; 1.2.3. motivimin, zhvillimin dhe trajtimin e paanshëm; 1.2.4. iniciativën dhe kreativitetin; 1.2.5. komunikimin dhe përfaqësimin; dhe 1.2.6. efektivitetin në punë**”, andaj vlerësuesi/eprori aktual nuk ka vërtetuar drejtë gjendjen faktike dhe bazën juridike.

Kolegji për shqyrtimin dhe vendosjen e ankesave, bazuar në prova dhe fakte të ofruara nga ankuesi dhe organi i punësimit pasi ka shqyrtuar pretendimet ankimore të ankuesit ka vërtetuar se të njëjtat janë pjesërisht të bazuara, andaj eprori aktual është i obliguar që ankuesit ti bëjë rivlerësimin e rezultateve të punës, në pajtim me nenin 43 të Ligjit Nr.06/L-114 për Zyrtar Publik, dhe nenin 4 paragrafin 1, nën paragrafin 1.1, 1.2 pika 1.2.1 deri në 1.2.6 të Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike si dhe të ndërmerre të gjitha veprimet me qëllim që vlerësimi i ankuesit të bëhet konformë legjislacionit që rregullon çështjen e vlerësimit të nëpunësve civil.

Kolegji për shqyrtimin e ankesave obligon Udhëheqësi i drejtpërdrejtë të ankuesit respektivisht Kryesuesi i Njësisë për Përgatitjen e Shitjes, Shqyrtimit Ligjor dhe Tenderimit i Agjencisë Kosovare të Privatizimit, që të shqyrtoj të gjitha faktet dhe në bazë të gjeturave të këtij vendimi të bëjë rivlerësimin e rezultateve të punës për vitin 2021 për periudhën 01.01.2021 deri më 31.12.2021 për ankuesin si dhe të gjitha procedurat që kanë të bëjnë me procedurën e vlerësimit të rezultateve të punës t’i zhvillojnë në pajtim me dispozitat ligjore në fuqi të Ligjit Nr.06/L-114 për Zyrtarët Publik dhe Rregulloren Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike.

Kolegji si fakt vendimtar lidhur me shqyrtimin e ankesës, mori parasysh edhe faktin notor se viti 2021 ishte vit i përcjellë me situatën e pandemisë me COVID-19, dhe si rezultat i kësaj të gjitha institucionet publike kanë funksionuar me staf esencial dhe reduktime të stafit, rrethana këto që Kolegji vlerëson se kanë ndikuar në përmbushjen e objektivave të punës, andaj Kolegji bazuar në këto rrethana konstaton se Udhëheqësi i drejtpërdrejtë i ankuesit duhet të bëjë rivlerësimin e Rezultateve të punës për vitin 2021, duke marr parasysh të gjitha faktet e cekuar me lartë.

Në rast të moszbatimit të vendimit të Këshillit nga personi përgjegjës i përcaktuar në dispozitiv të këtij vendimi, Kryetari i Këshillit ndërmerr veprimet në pajtim me nenin 21, 23 dhe 24 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, duke aplikuar edhe ndalimin e 50 % të pagës mujore për personin përgjegjës, deri në zbatimin e vendimit të Këshillit.

Duke marrë parasysh të gjitha shkresat e lëndës dhe provat e bashkëngjitura në lëndë, Kolegji për shqyrtimin e ankesave duke u bazuar në kompetencën e Këshillit, vendosi si në dispozitiv të këtij Vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.112/2022

Valentina Kaçandolli Bektashi

Zyrtare e Lartë për Bashkëpunim Profesional

Malsore Gashi-BAJRAKTARI

Kryetare e Kolegjit



Vendimi i dërgohet:

- Ankuesit,
- Drejtorit të Përgjithshëm të Agjencisë Kosovare të Privatizimit;
- Udhëheqësit të Personelit të Agjencinë Kosovare të Privatizimit dhe
- Arkivit të KPMSHCK-së.

